

THE EPISTLE OF PAUL TO PHILEMON

¹ Shíí Paul, Jesus Christ bighą ha'ásítíni, ła'íí Timothy nohwi'isn, Philémon, dážhó nohwił nzhóni, bił nada'idziidi, bich'í' k'e'iilchii, ² Ła'íí Ápphia nohwił nzhóni, Arkípas, Christ bighą bił siláada daandlíni, ła'íí ínashood nigowágee ła'anát'íihíí ałdó' bich'í' k'e'iilchii: ³ Bik'ehgo'ihí'nań nohwiTaa ła'íí Jesus Christ nohweBik'ehn biłgoch'oba'íí ła'íí bits'ą'dí' ilch'í'gont'ééhíí bee nohwich'í' goz'ąą le'. ⁴ Bik'ehgo'ihí'nań ba'ihénsi, dávik'ehn nénáshniil oshkaąhgee, ⁵ Jesus nohweBik'ehn ła'íí ínashood dawa nił daanzhóogo bada'ónhiigo na'ikonsihíí bighą Bik'ehgo'ihí'nań ba'ihénsi; ⁶ Ni'odłá'íí baa nagolni'go Christ bíyéé daandliihíí bighą nł't'éégo ágot'eehíí daanohwíyééhíí dawa nnee dayúweh yídaagołsi doleel, dishniigo ná'oshkaąh. ⁷ Nił'ijóóhíí bighą dážhó nohwił gozhóó, bidag ant'ee ałdó', shik'isn, ínashood bijíí yune' bił daagozhóogo ánadaasíndlaahíí bighą. ⁸ Áík'ehgo Christ biláhyú doo siste' dago, Dábik'ehyú ánléh, niłdishniigo nich'í' hasdzii doleel ni', ⁹ Ndihií shił nzhóóhíí bighą nánoshkaąh, shíí Paul, nnee báyań sílíni, k'adíí Jesus Christ bighą ha'ásítíni. ¹⁰ Shizhaazhé, Onésimus, bá nánoshkaąh, án ha'ásítíígo odłá' bee shizhaazhé k'ehgo baa natséskees sílíí: ¹¹ Doo ánúídá' nich'í'go doo ílíí da ni', ndihíí k'adíí nich'í'go ła'íí shíí ałdó' shich'í'go łań ílíni silíí: ¹² Dážhó shijíí sí'ąąđ' shił nzhóni nich'í' nádéł'a'; áík'ehgo naadníteeh: ¹³ Dashíí bił sikeego shił gozhóó doleel ni', yati' baa gozhónihíí bighą ha'ásítíígee ni dahdá' shich'onii doleel ni': ¹⁴ Ndihií hago ánásht'íílií doo nił nł't'éé dayúgo, doo ágáshne' da, shaa ch'onba'íí doo bíniso'go da, áídá' dáni hánt'íiyúgo zhá. ¹⁵ Dasa' naa nadáhíí bighą déł'ih nits'ą' dahnyaa łań shi; ¹⁶ Doo dayúweh ni'isna'híí k'ehgo baa natsínkees da, áídá' ái bitisgo nik'isn nił nzhóóhíí k'ehgo baa natsínkees; shíí ndi áík'ehgo baa natséskees, nihíí shitisgo áík'ehgo baa natsínkees, nohweBik'ehn biláhyú nik'isn nlii. ¹⁷ Nit'ekéhíí k'ehgo shił óńłtagyúgo, naashídnłteehíí k'ehgo án naadníteeh. ¹⁸ Doo bik'ehyú nich'í' at'éé da lęk'eyúgo, dagohíí naa hayił'ááyúgo, ái shíí shiká'zhí' ánle'; ¹⁹ Shíí Paul, dashíí naltsoos ash'íí, dashíí na'hishniil: nihíí niyi'siziinií da'anii bee shaa háń'aa ndi, ái doo bí'ishtah da. ²⁰ Da'anii, shik'isn, nohweBik'ehn biláhyú shił gozhóógo áshííle', Christ biláhyú

shijíí yune' ágoniidégo ánáshíídle'. ²¹Díí nich'í' k'e'eshchiihíí bikísk'eh ánnéngo nígonsí, ła'íí bitisgo ndi ánnéngo nígonsí. ²²Shíí ałdó' akú hayú nshdaayú shá ıłch'ı'gole': shá da'ohkqááhíí biláhyú ch'ínánshdáhgo nohwaa nánshdáh nsí. ²³Épaphros holzéhi, Christ Jesus bigha bíł ha'áshítézhí, Gozhóó, nohwiłnii; ²⁴**Marcus**, Aristárkas, Demas, ła'íí **Lucas** daaholzéhi, bíł nada'isiidi, ałdó' ágádaanohwiłnii. ²⁵Jesus Christ nohweBik'ehń bíłgoch'oba'íí bee niyi'siziiníí bich'ı' goz'aq le'. Doleełgo at'éé.